



საპატისი ფურცელი

სურათებიანი დამატება

გაზეთის № 465

დამატების № 83

პარასკევი, 25 დეკემბერი 1915 წ.



ღვთისმშობალი, — ვან დიკისა.

სიუპარული სიკვდილზე უკლიარასია

ნოველა დ. მერეჟოვსკისა.
(შემდეგი *)

ყველა ჩამოთვლილ ღირსების მიუხედავად ჯინევრა მანც უარს ამბობდა აგოლანტის ცოლობაზე და ამიტომ ძალაუფლებურად აგვიანებდნენ ჯვრისწერას. როდესაც უკანასკნელი და გადაჭრილი პასუხი მოითხოვა მათეომ, ყველას განსაცვიფრებლად ჯინევრამ მესერ ანტონიო დერონდინელი დაასახელა თვის საქმროდ, რომელიც სულითა და გულით მიყვარსო. ის იყო ახალგაზდა, ხელმოკლე მექანდაკე, რომელსაც სულ რამდენიმე მოწაფე ჰყავდა და Ponte Vecchio-ს ვიწრო ქუჩაზე ჰქონდა „ბოტტევა“ ანუ სახელოსნო. ანტონიომ ჯინევრა რომ გაიცნო, მეტად მოხიბლა მისმა სილამაზემ და რამდენიმე თვის წინად სთხოვა მონა ურსულას, ნება მომეცით, რომ თქვენი ქალის ქანდაკება გავაკეთო ერთი საკმაოდ მდიდარ მონასტრის წმ. მოწამის ბარბალეს ხატისათვისაო. მონა ურსულამ უარი ვეღარ გაუბედა მექანდაკეს ასეთ კეთილშობილურ საქმეში და მუშაობის დროს ხელოვანს შეუყვარდა თვისი მშვენიერი ნიმუში, ვით ოდესღაც პიგმალიონს—გალათეია. შემდეგშიც ხშირად ჰხედებოდნენ ერთმანეთს სამოქალაქო დღეობებსა და ზამთრის საღამოებზე, რომლებზეც სიამოვნებით მიიწვევდნენ ხოლმე ჯინევრას, ვით საღამოს დაამაშვენებელს თვალს.

როდესაც მოკრძალებით და მორიდებით აცნობა მათეოს მონა ურსულამ, რომ ჯინევრას ჰყოლია კიდევ საქმრო და ანტონიო დერონდინელი დაასახელა, მატყლის მრეწველი აენტო, აილენა, მაგრამ მანც დამშვიდებული კილოთი მიუგო მონა ურსულას:

— მადონა, საკუთარი ყურებით რომ არ გამეგონა, რის თქმაც ინებეთ ეხლა, — არასოდეს დავიჯერებდი, რომ თქვენისთანა სათნო და ჰქვიანი მანდილოსანი ყურადღებას აქცევს გამოუცდელი ბავშვის ქარაფშუტობას. დღეს არ ვიცი და ჩემ დროს კი კრინტსაც ვერ დასძრავდნენ გასათხოვარი ქალები საქმროს ამორჩევაზე და ყველაფერში მამას ან მზრუნველს ემორჩილებოდნენ. დაუფიქრდით კარგად, თუ ვინ არის მესერ ანტონიო, რომელიც ძმისწულს უსურვებია საქმროდ? ნუ თუ არ იცით, რომ მექანდაკე, მხატვარი, პოეტი, მსახიობი და ქუჩის მომღერალი ეს ისეთი ხალხია, რომელსაც არ შეუძლიან რაიმე პატივსადებ და სასარგებლო საქმეს მოჰკიდოს ხელი. მაგათთან ქარაფშუტა და არასაიმედო ხალხი მთელ ღუნიაზე არ მოიპოვება: ლოთი, გარყენილი, ზარმაცი, ღვთის მგმობელი, ბილწი, საკუთარი და სხვისა ქონების დაუზოგავი მფლანგველი. პირადად მესერ ანტონიოს რაც შეეხება, რასაკვირველია, თქვენც უნდა გსმენოდეთ, რასაც მთელ ფლორენციაში ლაპარაკობენ, და მეც მხოლოდ ის ვიცი, რაც სხვა მრავალმა და ამიტომ მოგაგონებთ ამ ქაბუკის ერთ ახირებულ ჩვეულებას, — ქერში ჭახრაკზე მრგვალი კალათი რომ ჩამოუკიდია. იმ კალათში აგროვებს რასაც შოულობს და ყველა, ვინც კი მოისურვებს, მოწაფე იქნება მისი თუ სხვა ნაცნობი, შეუძ-

*) იხ. სურათებიანი დამატება № 82.

ლია მიბრძანდეს, ჩამოუშვას კალათი პატრონის დაუკითხავად და ამოიღოს რამდენიც სურს სპილენძის, ვერცხლის თუ ოქროს ფული. ნუ თუ გგონიათ, მადონა, რომ შეპირებულ მზითვეს მაგისტანა სულელს ჩავუვდებ ხელში? ეს კიდევ არაფერი: იცით თუ არა, რომ მესერ ანტონიო ეშმაკის მოციქულობას, ეპიკურელთა ფილოსოფიის უსჯულოებას მიმდგომია, ეკლესიაში არ დაიარება, დასცინის წმ. საიდუმლოთ და არც ღმერთი სწამს? კეთილი ხალხი ამბობს, რომ მოწიწებით თაყვანსა სცემს კერპთმსახურთა ღმერთების მარმარილოს ნამსხვრევებს, მცოთუნებელთა ღმერთებს, რომელთაც მიწაში დაფლულთ ჰყოლობენ, წმ ნაწილთა და წმინდანთა სასწაულთმოქმედ ხატებს კი სასაცილოდ იგდებს. სხვებისგანაც მსმენია, რომელნიც აგრედვე ნდობის ღირსნი არიან, რომ მოწაფეთა დახმარებით თვისსავე სახელოსნოში ღამ-ღამობით მკვდრებსა სჭრის, და ღიდ ფასად ჰყიდულობს საავადმყოფოთა დარაჯებისგან, რათა, როგორც თვითონ ამბობს, შეისწავლოს ანატომია ადამიანისა, სხეულის აგებულება და გამოიწაფოს ხელოვნებაში, ნამდვილად კი ის მიზანი აქვს, რომ ჩვენდა დაუძინებელ მტერსა-სატანას ასიამოვნოს. თუ არ თვალთმაქცობით, ჯადოთი და თილისმით სხვა, აბა, რით მოხიბლავდა ის მწვალბეგელი თქვენი უმანკო ასულის გულს?..

ასეთი და მგზავსი ოინბაზობით დააშინა მათეომ მონა ურსულა. როდესაც ჯინეგრას აუწყა მშობელმა მათეოს აზრი: თუ უარს ეტყვი მესერ ფრანჩესკო დელიი აგოლანტის, ბიძია აღარ ამოგვიჩენს ყოველთვიურ დახმარებას და სილატაქე მოგველისო, — მწუხარებით აღსაყვ ქალი დაემორჩილა ბედს და დაჰყვა ბიძიას ნებას.

ამ წელს დიდი უბედურება დაატყდა თავს ფლორენციას, რომელიც მრავალმა ვარსკვლავი მრიცხველმა ადრევე იწინასწარმეტყველა: ზოლი ძლიერ მიუახლოვდა მარისს, ეს კი სიკეთეს არ უქადის ხალხსა. აღმოსავლეთიდან დაბრუნებულმა ზოგიერთ სოვდაგარმა ინდოეთის ხალიჩებთან ერთად შავი ჭირიც შემოიტანა ფლორენციაში. დიადი ლიტანიები მოაწყვეს: ხატებსა და ჯვრებს დააბრძანებდნენ ქუჩებში; ეპისკოპოსის წინამძღოლობით გამოასვენეს იმპრუნეტის ღვთისმშობლის სასწაულთმოქმედი ხატი. გამოსცეს ახალი კანონები და აკრძალეს სასტიკად ქალაქის საზღვრებში სიბინძურის დაყრა, მდ. არნოს მოწაღვა დაბახანებიდან და საყასბოებიდან გადაყრილი უფთაობით; ზომები მიიღეს და სწრაფად ანცალკევედნენ ავადმყოფთ კარგადმყოფებისაგან. ჯარიმისა, ციხეში დატუსაღების და ზოგიერთ შემთხვევაში, სიკვდილით დასჯის შიშითაც აღკრძალული იყო მიცვალებულის ერთ დღეზე მეტის შენახვა სახლში — დღისით გარდაცვლილის მზის ჩასვლამდე, — ღამით კი — მზის ამოსვლამდე, იმ შემთხვევაშიც კი, თუ ნათესაები დაამტკიცებდნენ, რომ ავადმყოფი სხვა სნეულებით გარდაიცვალა და არა შავი ჭირისაგან. განსაკუთრებული ზედამხედველნი დადიოდნენ ქალაქში, რომელნიც ისეთი უფლებით იყვნენ აღჭურვილნი, რომ რა დროც უნდა ყოფილიყო, შევიდოდნენ განურჩევლად ყველას ოჯახში, გასჩხრეკდნენ, ხომ არაა ავადმყოფი ან მიცვალებული. ყოველ ქუჩაზე შეხვდებოდა კაცი გაფისულ ურმებს, რომელთაც შავით მოსილნი და ნიღბაფარებულნი კაცები მისდევდნენ გრძელი შუბით და ჩანგლით ხელში, რათა მკვდარი ისე დაედვათ ურემზე, რომ თვითონ არ შეყროდათ სე-




ღვთისმშობელი, რაფაელისა.




ღვთისმშობელი, მურილლოსი.



ღვთისმშობელი, რუბენისა.



კავკასიის ასკარები



მდ. ქორხის ხეობა. ხიდი მდ. ქორხზე.

ნი. ხმები დადიოდა, ეს „შავი ეშმაკი“ მომაკვდავებსაც კი შეუბრალებლად მიაქანებდნენ ურმით, რათა ზედმეტი შრომა არ დასჭირებოდათ ხელმეორედ მოსვლისთვის უკვე მიცვალვად წასაღებად. ჭირმა ზაფხულის ბოლოში იჩინა თავი და თითქმის ზამთრის დასაწყისამდე გასტანა და მიუხედავად მკაცრი ზამთრისა, არა სცხრებოდა. ამიტომ ცოტად თუ ბევრად ქონებრივად უზრუნველყოფილნი, რომელთაც არავითარი განსაკუთრებული გარემოება არ აბრკოლებდა, საჩქაროდ სტოვებდნენ ფლორენციასა, ქალაქ გარედ სახლდებოდნენ, სადაც წმინდა და სუფთა ჰაერი იყო.

ბიძია მათეოს ყველიფრის ეშინოდა და არც დაიმედებული იყო, რომ დიდხანს გასტანდა დისწულის მორჩილება და ამიტომ აჩქარებდა ჯვრისწერას, მალე უნდა წახვიდეთ აქედანო. მესერ ფრანჩესკო დელიი აკოლანტის გადაწყვეტილი აქვს გახიზნოს ქალაქიდან ჯინევრა და მისი დედა და ჯვრისწერის შემდეგ რამდენიმე ხნით თვითონაც მიდის მონტე ალბანოს აგარაკზეო.

ასე სურდა მესერ მათეოს და ასეც დაბოლოვდა. დანიშნეს ჯვრისწერის დღე და დროს შესაფერად, უბრალოდ იქორწინეს. გვირგვინ ქვეშ ძლიერ ფერმკრთალი მოსჩანდა ჯინევრა, და საშინელ სიმშვიდე იყო ალბეკილი მის სახეზე. მაგრამ ბიძია დაიმედებული იყო, რომ ქალის ასეთი მორცხვობაც ჩქარა გაივლიდა და მესერ ფრანჩესკო დაიმსახურებდა ახალგაზდა მეუღლის სიყვარულს. არ გამართლდა მისი იმედები. როდესაც ეკლესიიდან გამოვიდა ახლად ჯვარდაწერილი ჯინევრა და ქმრის ოჯახში შესდგა ფეხი, უცებ გული შეუწყურდა და უგრძობლად დაეცა. სცადეს მობრუნება, მაგრამ თვალებს არ ახლდა ავადმყოფი, გულისცემა უსუსტდებოდა, მომაკვდავის ფერი დაეღვა, ხელფეხი გაუცივდა და, როდესაც ექიმებსაც მოუწოდეს (ექიმებს კი იშვიათად მიმართავდნენ, რადგან ეშინოდათ, ხალხს ხმები არ გაეგრცელებინათ, შავი ჭირიაო) სარკე მიუტანეს ჯინევრას ტუჩებთან და ვერ შეამჩნიეს შუშაზე ამონასუნთქი ორთქლი; მაშინ კი ყველა დარწმუნდა, რომ ჯინევრა მართლა მომაკვდავია, მათ მწუხარებას არ ჰქონდა საზღვარი და ყველანი თანაუგრძობდნენ ჭირისუფალთ. მეზობლები ამბობდნენ, ღმერთმა დასაჯა ალმეიერები, რადგან ასეთ უდროო დროს გაათხოვეს ქალი და ფრანჩესკოს ახალგაზდა მეუღლე ეკლესიიდან სახლში დაბრუნებისასვე შავი ჭირით გახდა ავად და მოკვდა. ასეთმა ხმებმა უფრო მეტი ნიადაგი მაშინ მოიპოვეს, როდესაც „შავ ეშმაკთა“ მოსვლის შიშით უკანასკნელ წუთამდე მალავდნენ ჯინევრას ნათესავნი მის ავადმყოფობასა და სიკვდილს. მაგრამ მეზობელთა დასმენით საღამოს მაინც ესტუმრნენ ზედახედივლნი და წინადადება მისცეს, რომ ან თვითონ დაემარხათ საჩქაროდ, ან მათთვის მიეცათ მიცვალვად დასამარხავად; ხოლო როცა კარგა დიდი ქართამი აიღეს, ნება დართეს, რომ მეორე დღემდე დარჩენილიყო მკვდარი ფრანჩესკოს სახლში.

ჯინევრას სიკვდილში ეჭვი აღარავის შეპარვია, გარდა მოხუცი გამზრდელისა, რომელსაც ყურადღებას არავინ აქცევდა, რადგან სიბერემ გამოაშტერაო. ყველას ემუდარებოდა დედაბერი, არ დამარხოთ ჯინევრა, ყველას არწმუნებდა, სცდებიან ექიმები, ის არ მომკვდარა, არამედ სძინავსო; ხელი შეახო და იგრძნო, რომ მის მკერდში არ შეჩერებულიყო გულისცემა, კიდევ ჰფეთქდა სუსტად, ვით ფარვანას ფრთა.

ჯინევრას აღარც მეორე დღეს ეტყობოდა სიკვდილის ნიშანწყალი; სუდარა ჩააცვეს, კუბოში ჩაასვენეს და სანტა რეპარატას ტაძარში გაასვენეს. მშრალი და ტოსკანის აგურით ამოშენებული საგვარეულო აკლდამა ეკლესიის ორ კარებს შუა იყო მოთავსებული, ე. წ. სასაფლაოს ეზოში, აყრილი ალვის ხეებით დაჩრდილული, სადაც ფლორენციის კეთილშობილნი განისვენებდნენ. ზოგიერთთა აზრით, ყასაბის ასულის ღირსებისათვის შეუფერებელ სასაფლაოს ადგილში დიდი ფასი გადახდა თურმე მათეომ და ეს ფული მზითევიდან გამოიცილა. გამოსვენება დიდი ამბით მოაწყვეს. არა ზოგავდნენ თავლის სანთელს და თითოეულ ღარიბ-ღატაკს ნახევარი სოლდის ქერი და ზეთისხილი გაუბოძეს განსვენებულის სულის მოსახსენებლად. მიუხედავად სიცივისა და შავი ჭირის მძვინვარებისა, გასვენებაზე მაინც დიდძალმა ხალხმა მოიყარა თავი; უცნობნიც კი ვერ იკავებდნენ ცრემლს, როდესაც შეიტყობდნენ ახლად ჯვარდაწერილის უბედურებას და პეტრარკას ნაზ ლექსს იმეორებდნენ:

„სიკვდილიც კი მშვენებდა მის მშვენიერ სახეზე“.

სასაფლაოზე მესერ ფრანჩესკომ სიტყვა წარმოთქვა, რომელშიც არამც თუ ლათინური, ბერძნული ციტატებიც კი მოჰყავდა პლატონიდან და ჰომეროსიდან, რაც ახალი რამ იყო იმ დროისთვის და მრავალ მსმენელს, რომელთაც არც კი ესმოდათ ბერძნული, სიამოვნების ღიმილი მოეფინა სახეზე.

არაჩვეულებრივი რამ მხოლოდ მაშინ მოხდა, როდესაც აკლდამაში დაასვენეს უკანასკნელად გამოსათხოვრად. სამკლოვიარო საშროში გამოწყობილი ახალგაზდა უცნობი მიუახლოვდა კუბოს, გადახდა ლეჩაქის პირბადე და გაშტერებული დაუწყო მხერა მიცვალვულს. სთხოვეს მოშორება, „როგორც უცხო“, სანამ თავისიანი არ გამოსთხოვებოდნენ. როდესაც გაფითრებულმა გაიგონა, რომ მას „უცხო“ უწოდებდნენ და ბიძია მათეოსა და მესერ ფრანჩესკოს კი „თავისიანს“, მწარედ ჩაიციხა, ეამბორა ბაგეთა ზედა მიცვალვულს, გადააფარა პირბადე და უჩუმრად მოსცილდა კუბოს. სახლში ჩურჩული ასტყდა, უცნობზე უთითებდნენ და ამბობდნენ, რომ ეს ყაწვილია მესერ ანტონიო დე-რონდიელი, ჯინევრას ყოფილი შეყვარებული და მიჯნური, ვისი გულისთვისაც მოიკლა ქალმა თავიო.

შელამდა და, რადგან მღვდელმსახურებაც გათავდა, ხალხი დაიშალა. კუბოსთან ღმრის გათევა მოისურვა მონა ურსულამ, მაგრამ

კავკასიის ასკარები



ბათუმის კომენდანტი ლიანოვი (ჩოხით) მოწინავე პოზიციებზე

ქართველი მსახიობები




და

მათეო წინაღუდგა, რადგან ძლიერ მწუხარე იყო და მისი სიცოცხლეც არ უნდოდა ჩაეგდო საფროხეში.

აკლდამაში მხოლოდ დომინიკანელი ბერი ფრამარიანო დარჩა, რომელსაც ლოცვები უნდა ეკითხნა მთელ ღამეს.

რამდენიმე საათმა განვლო; ღამის სიჩუმეში მხოლოდ ბერის ხმა მოისმოდა და „კამპანილა“ ჯიოტოს სამრეკლოს საათის ყრუ წკარუნნი. შუალამისას წყურვილი იგრძნო ფრა მარიანომ, ამოიღო ჯიბიდან ტრებიანული სამგზავრო წყლის ჭურჭელი და სიამოვნებით მოსვა, და ამ დროს უცებ ოხვრა მოესმა. სული განაბა და ყური დაუგდო; ოხვრა განმეორდა და მოეჩვენა კიდევ, რომ მიცვალებულის სახეზე გადაფარებული ლეჩაქი შეინძრა ოდნავ. ჟრუანტელმა დაურბინა ტანში, ხოლო, რადგან ეს პირველი არ იყო და კარგად იცოდა, რომ მიცვალებულთან ღამისთვის მიჩვეულთაც კი ხშირად უცნაური რამ ეჩვენებათ ხოლმე, ამიტომ ყურადღება არ მიუქცევია, გადისახა პირჯვარი და ხრინწიანი ხმით განაგრძო კითხვა. კიდევ განვლო პაწია დრომ. ბერს ხმა ჩაუწყდა უცებ, სახე დაუგრძელდა, გაქკავდა და მიცვალებულს მიაშტერა თვალები: ოხვრის ნაცვლად ოდნავი კენესა აღმოხდა მიცვალებულს; ფრა-მარიანოს ეჭვი აღარ



მათი მხსნალი სუფლიორი ბეგლარი.
მეგობრული შარკი. ქიაურელისა.

რამდენჯერმე გაიმეორა Ave Maria, მიბრუნდა და აკლდამის კარებში შეიჭვრიტა ცალი თვალით; შიშით კინაღამ სული განუტევა: მიცვალებული წამომჯდარიყო კუბოში. თვალელები გარბოდა ბერი: გადირბინა სასაფლაო, ბაპტიტერია სან-ჯიოვანის მოედანი, რიკასოლის ქუჩა, — ხის ქოშების „ცოკოლის“ რაკუნი მოისმოდა, რომელიც ყინულის მტვერს აყენებდა აგურის ქვაფენილზე.

ჯინევრა აღმიერბმ, გამოიღვიძა თუ მოსკლიერდა, განცვიფრებით დაათვალიერა აკლდამა. შეშინებული და თავზარდაცემული, რომ ცოცხალი დაემარხათ, ძლივს ამოცოცდა კუბოდან და სუდარაში გახვეული გამოვარდა გარედ, — სასაფლაოზე და შემდეგ ტაძრის მოედანზე გაიჭრა. ქარის მიერ დაქსაქსულ ღრუბელთ ნაფლეთებში აქა-იქ ანათებდა მთვარე და თეთრად აშუქებდა ჯიოტოს მარმარილოს სამრეკლო. აზრი ერეოდა ჯინევრას, თავბრუ ეხვეოდა: ეგონა მასთან ერთად ღრუბლებში მიეჭანებოდა სამრეკლოც და ვერ გაერკვია მკადარია თუ ცოცხალი, სიზმარშია თუ ცხადად ხდება ყველა ეს.

ანგარიში ვერ მიეცა თავის თავისთვის — საით მიდიოდა, გაიარა რამდენიმე ყრუ ქუჩა, ნახა

შეპარვია, რადგან ნათლად ხედავდა, რომ მკერდი ადიოდა-დადიოდა ნელ-ნელა და ამოძრავებდა ლეჩაქის პირბადეს, უგი სუნთქავდა. პირჯვრის წერით, აცახცახებულნი გამოვარდა აკლდამიდან. სუფთა ჰაერზე მოაბრუნა სული და იფიქრა, იქნება მართლა მომეჩვენაო,

ნაცნობი სახლი, მიუახლოვდა და კარებზე დაუკაკუნა. ეს იყო ბიძია მათეოს სახლი.

(დასასრული იქნება).

გ. მუმლაძე.